

02-50-6

BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-1296-1/12
Sarajevo, 9. 7. 2012. godine

11-07-2012

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO	11-07-2012		
Organizaciona jedinica	Klasifikaciona oznaka	Redni broj	Broj priloga
02-50-6-16-14/12			

PARLAMENTARNA SKUPŠTINA BiH

- Dom naroda-

SARAJEVO

PREDMET: Odgovor na izaslaničku inicijativu, dostavlja se

Vijeće ministara Bosne i Hercegovine je na 12. sjednici održanoj 4. 7. 2012. godine utvrdilo Odgovor na izaslaničku inicijativu koju je uputio Mehmed Bradarić, izaslanik u Domu naroda Parlamentarne skupštine Bosne i Hercegovine.

U privitku prosljeđujemo Odgovor radi njegova dostavljanja izaslaniku.

S poštovanjem,

GENERALNI TAJNIK
Zvonimir Kutleša





**BOSNA I HERCEGOVINA
VIJEĆE MINISTARA**

Broj: 05-50-1-1296-1/12
Sarajevo, 9. 7. 2012. godine

Gosp. Mehmed Bradarić, izaslanik u Domu naroda Parlamentarne skupštine Bosne i Hercegovine, na 14. sjednici Doma naroda, održanoj 19.04.2012. godine, uputio je ministru komunikacija i prometa Bosne i Hercegovine, sljedeću izaslaničku inicijativu:

"Pravilnik o uslovima i postupku izdavanja licenci i kvalifikacionih kartica vozača za obavljanje međunarodnog drumskog saobraćaja stupio je na snagu 1.1.2012. godine. To je akt koji je, po mišljenju mnogih, nastao pod vrlo čudnim okolnostima. Finalnu verziju pravilnika nisu prihvatili članovi radne grupe iz Federacije odnosno Federalnog ministarstva prometa i komunikacija i Vanjsko trgovinske komore BiH. Moja je inicijativa da ministar prometa i komunikacija BiH utvrdi štetnost implementacije ovog neustavnog i neprovođivog akta i koji je još u suprotnosti sa zakonom o međuentitetskom prijevozu i predloži novi pravilnik prihvatljiv za sve u BiH."

Na predmetnu izaslaničku inicijativu, Vijeće ministara Bosne i Hercegovine, na 12. sjednici održanoj 4. 7. 2012. godine, utvrdilo je s l j e d e ć i

ODGOVOR

Na osnovu člana IV. 4. a. Ustava Bosne i Hercegovine, Parlamentarna skupština Bosne i Hercegovine je na sjednici Zastupničkog doma održanoj 24.10.2001. godine te na sjednici Doma naroda održanoj 20.12.2001. godine donijela *Zakon o međunarodnom i međuentitetskom cestovnom prijevozu* ("Službeni glasnik BiH", broj 01/02 i 14/03 - u daljnjem tekstu Zakon).

Temeljem člana 5. predmetnog Zakona, a nakon provedenih javnih rasprava i konzultacija, te usklađivanja s Uredbom Vijeća Europe broj 1071/2009, kojom je propisano uspostavljanje zajedničkih pravila koja se tiču uslova za obavljanje djelatnosti cestovnog prijevoznika, te stavljanju izvan snage Direktive Vijeća 96/26/EZ, Ministarstvo je, na prijedlog Radne grupe, izradilo *Pravilnik o uslovima i postupku izdavanja licenci i kvalifikacijskih kartica vozača za obavljanje međunarodnog cestovnog prijevoza* (u daljnjem tekstu Pravilnik), a isti je objavljen u "Službenom glasniku BiH", broj 81/11.

Mišljenjem Direkcije za evropske integracije broj 03A-06-2-SB-1712-3/11, potvrđeno je da je Pravilnik usklađen s Uredbom Vijeća Europe broj 1071/2009.

Aktom broj 01-10-M-1215/11 od 05.01.2012. godine, Pravobraniteljstvo Bosne i Hercegovine je dalo pozitivno mišljenje na provedeni postupak i zaključivanje ugovora za obavljanje poslova stručnog osposobljavanja upravitelja prijevoza i vozača u međunarodnom cestovnom prijevozu, a predmetni ugovor je nakon potpisa dostavljen Pravobraniteljstvu Bosne i Hercegovine.

U skladu sa članom 19. stav 1. Pravilnika, Ministarstvo je donijelo jedinstveni Cjenovnik stručnog osposobljavanja i ispita upravitelja prijevoza i vozača u međunarodnom cestovnom prijevozu koji je, u skladu sa stavom 2. istog člana Pravilnika, objavljen u "Službenom glasniku BiH", broj 8/12.

Aktom broj 08-02-2-3487-2/12 od 08.05.2012. godine, Ministarstvo finansija i trezora Bosne i Hercegovine je dalo saglasnost na prijedlog odluke o visini novčane naknade za izdane licence prijevoznika, licence za vozilo i kvalifikacijske kartice vozača.

Modul "licence" u software-u Sektora za transport Ministarstva funkcioniра u punom kapacitetu, odnosno bez zastoja, a u skorom roku se očekuje okončanje postupka nabave obrazaca licenci kao i PVC kartica. U vremenu do okončanja postupka, u skladu sa članom 12. stav 4. Pravilnika, podnosiocima zahtjeva koji ispunjavaju uslove za izdavanje licenci i kartica izdaju se potvrde koje važe do izdavanja licenci i kartica, u konkretnom slučaju, do okončanja postupka nabave predmetnih obrazaca licenci i kartica.

Na osnovu navedenog, vidljivo je da postoji ustavni osnov za donošenje Pravilnika, te da isti nije u suprotnosti sa Zakonom. U ovom trenutku ne postoje saznanja da je Pravilnik štetan po bilo kojem osnovu.